

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-461/11
Sarajevo, 30.05.2011. godine

Z A P I S N I K

1. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 30. maja 2011. godine

Sjednica je počela u 14.30.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, Živka Budimira, predsjednika Federacije BiH, potpredsjednika Federacije BiH Mirsada Kebu, premijera Federacije BiH Nermina Nikšića, zamjenika premijera Desnicu Radivojevića, ministre u Vladi Federacije BiH, Suada Arnautovića, člana Centralne izborne komisije BiH, Ismeta Bajramovića, predsjednika Saveza samostalnih sindikata, predstavnike akreditiranih medijskih kuća koji prate rad sjednice i goste.

Na osnovu evidencije Stručne službe, predsjedavajuća je konstatovala da sjednici prisustvuje 58 delegata, što čini većinu, te Dom naroda može raditi i punovažno odlučivati.

Radoje Vidović je, ispred delegata hrvatskog naroda, zatražio pauzu kako bi se formirao Klub delegata hrvatskog naroda na što je predsjedavajuća odgovorila da se pauza može zatražiti tek kad se verifikuje mandat delegatima kojima do sada nije verifikovan.

Potom je Radoje Vidović zatražio da se konstituiše Klub delegata hrvatskog naroda na šta je Ivo Divković, privremeni predsjednik Kluba hrvatskog naroda, odgovorio da je Klub već formiran i da se novopridošli delegati iz reda hrvatskog naroda mogu pridružiti Klubu i da se u pauzi održi sjednica Kluba na kojoj bi se riješila sva bitna pitanja vezana uz Klub.

Elvira Abdić-Jelenović prokomentarisala je Izvještaj Privremene Mandatno-imunitetske komisije u kojem je navedeno da se njoj na ovoj sjednici neće verifikovati mandat jer je potpisala Svečanu zakletvu 17.03.2011. godine. Istakla je da 17.03.2011. godine nije položila zakletvu i zatražila da joj se uruči njen tekst. Također je izjavila da ona na tekstu Svečane zakletve nije upisala datum 17.03.2011. godine, te da je upisani datum falsifikat, kao i da joj nije izdato rješenje o prekidu radnog odnosa, što je, prema njenom mišljenju, trebalo učiniti.

U vezi sa statusom Kluba hrvatskog naroda razvila se diskusija u kojoj su učestvovali: Ivo Tadić, predsjedavajuća Karolina Pavlović, Radoje Vidović, Elvira Abdić-Jelenović, Ivo Divković i Mirko Batinić.

Nakon ove diskusije, delegati iz reda hrvatskog naroda kojima nije verifikovan mandat napustili su sjednicu kako bi formirali Klub delegata hrvatskog naroda.

Predsjedavajuća je nakon toga dala na glasanje Zapisnik Konstituirajuće sjednice Doma naroda, Zapisnik 1. vanredne sjednice Doma naroda i Zapisnik 2. vanredne sjednice Doma naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, bez primjedbi i jednoglasno (38 glasova za), usvojio Zapisnik Konstituirajuće sjednice Doma naroda Parlamenta Federacije BiH od 17.03.2011. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, bez primjedbi i jednoglasno (38 glasova za), usvojio Zapisnik 1. vanredne sjednice Doma naroda Parlamenta Federacije BiH od 26.03.2011. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 37 glasova za i bez primjedbi, usvojio Zapisnik 2. vanredne sjednice Doma naroda Parlamenta Federacije BiH od 27.04.2011. godine.

Kolegij Doma naroda predložio je da se na ovoj sjednici ne postavljaju delegatska pitanja i ne pokreću inicijative zbog važnosti današnje sjednice, što su delegati prihvatili.

Budući da nije bilo prijedloga za izmjene i dopune dnevnog reda, predsjedavajuća ga je dala na glasanje i konstatovala da je Dom naroda Parlamenta Federacije, sa 37 glasova za i uz jedan uzdržani glas, usvojio sljedeći:

D N E V N I R E D

- 1. Verifikovanje mandata delegatima u Domu naroda Parlamenta Federacije BiH,**
- 2. Izbor delegata u Dom naroda Parlamentarne skupštine Bosne i Hercegovine.**

- 1. Verifikovanje mandata delegatima u Domu naroda Parlamenta Federacije BiH**

Predsjedavajuća je podsjetila delegate da je na osnovu odluka o utvrđivanju rezultata posrednih izbora i dodjeli mandata iz skupština Srednjobosanskog kantona, Zeničko-dobojskog, Hercegovačko-neretvanskog, Posavskog, Zapadnohercegovačkog, Kantona 10 i iz

Kantona Sarajevo za Dom naroda Parlamenta Federacije BiH, Centralna izborna komisija Bosne i Hercegovine utvrdila rezultate posrednih izbora i dodjela mandate za Dom naroda Parlamenta Federacije BiH i to:

- Iz Srednjobosanskog kantona iz reda hrvatskog naroda **Radoju Vidoviću** i **Mirku Batiniću**,
- iz Zeničko-dobojskog kantona iz reda hrvatskog naroda **Ivi Tadiću**,
- iz Hercegovačko-neretvanskog kantona iz reda hrvatskog naroda **Đuri Prkačinu**, **Luki Faletaru**, **Tomislavu Martinoviću**, iz reda srpskog naroda **Zori Dujmović** i iz reda ostalih **Aneru Žuljeviću**,
- iz Posavskog kantona iz reda hrvatskog naroda **Miji Matanoviću**,
- iz Zapadnohercegovačkog kantona iz reda hrvatskog naroda **Tomislavu Mandiću** i **Milenku Banduru**,
- iz Kantona 10 iz reda hrvatskog naroda **Stipi Pelivanu** i iz reda srpskog naroda **Vlatku Zriliću** i **Slaviši Mihajloviću**,
- iz Kantona Sarajevo iz reda ostalih **Edini Papo** i **Damiru Čardžiću**,
- iz Tuzlanskog kantona iz reda bošnjačkog naroda **Senahidu Šakoviću**.

Na osnovu odluka Centralne izborne komisije Bosne i Hercegovine Privremena mandatno-imunitetna komisija Doma naroda dostavila je izvještaj.

Izvještaj Komisije obrazložio je Slađan Ilić, predsjednik Komisije, i predložio da Dom naroda Parlamenta Federacije BiH verifikuje mandat: Radoju Vidoviću, Mirku Batiniću, Ivi Tadiću, Đuri Prkačinu, Luki Faletaru, Tomislavu Martinoviću, Zori Dujmović, Aneru Žuljeviću, Miji Matanoviću, Tomislavu Mandiću, Milenku Banduru, Stipi Pelivanu, Vlatku Zriliću, Slaviši Mihajloviću, Edini Papo, Damiru Čardžiću i Senahidu Šakoviću.

Slađan Ilić je izjavio da je Komisija konstatovala da je Elviri Abdić-Jelenović verifikovan mandat danom potpisivanja teksta Svečane zakletve, tj. 17.03.2011. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 37 glasova za i uz jedan uzdržani glas, usvojio Izvještaj privremene Mandatno-imunitetske komisije i time verifikovao mandat delegatima: Radoju Vidoviću, Mirku Batiniću, Ivi Tadiću, Đuri Prkačinu, Luki Faletaru, Tomislavu Martinoviću, Zori Dujmović, Aneru Žuljeviću, Miji Matanoviću, Tomislavu Mandiću, Milenku Banduru, Stipi Pelivanu, Vlatku Zriliću, Slaviši Mihajloviću, Edini Papo, Damiru Čardžiću i Senahidu Šakoviću.

Nakon toga, delegati su dali svečanu zakletvu.

Nakon davanja svečane zakletve, Ivo Tadić je izjavio da su delegati iz reda hrvatskog naroda, kojima je danas verifikovan mandat, izabrali predsjednika Kluba delegata hrvatskog naroda u Domu naroda, na što je predsjedavajuća Doma izjavila da je Klub delegata hrvatskog naroda formiran, a da se izbor novog predsjednika Kluba može izvršiti na sjednici Kluba koja će se održati za vrijeme pauze.

Nakon pauze, Radoje Vidović obavijestio je Dom naroda da je Klub delegata hrvatskog naroda za predsjednika izabrao njega, a za zamjenika predsjednika Luku Faletara. Također je predložio da se Dom naroda izjasni o prijedlogu Kluba da se za predsjedavajućeg Doma naroda izabere Mirko Batinić i usvoji zaključak kojim bi se u Privremenu komisiju za izbor i imenovanja Doma naroda izabrao Tomislav Martinović.

Predsjedavajuća je čestitala Radoju Vidoviću na izboru za predsjednika Kluba delegata hrvatskog naroda i podsjetila da je dnevni red utvrđen, te da se ovi prijedlozi Kluba ne mogu uvrstiti u dnevni red sjednice.

2. Izbor delegata u Dom naroda Parlamentarne skupštine Bosne i Hercegovine

Predsjedavajuća je podsjetila delegate da je članom IV. 1. Ustava Bosne i Hercegovine utvrđeno da Dom naroda Parlamentarne skupštine Bosne i Hercegovine ima 15 delegata od kojih su dvije trećine iz Federacije Bosne i Hercegovine (uključujući pet Hrvata i pet Bošnjaka) i jedna trećina iz Republike Srpske (pet Srba).

U Domu naroda Parlamenta Federacije BiH hrvatski delegati biraju hrvatske delegate, a bošnjački delegati biraju bošnjačke delegate iz Federacije BiH u Dom naroda Parlamentarne skupštine Bosne i Hercegovine.

U skladu sa članom 2. Upustva o postupku provedbe posrednih izbora zakonodavnih organa vlasti u Bosni i Hercegovini svaki politički subjekt koji je zastupljen u bošnjačkom, odnosno hrvatskom klubu ili svaki delegat iz bošnjačkog, odnosno hrvatskog kluba u Domu naroda Parlamenta Federacije BiH ima pravo nominovati jednog ili više kandidata na listi za izbor bošnjačkih, odnosno hrvatskih delegata u Dom naroda Parlamentarne skupštine Bosne i Hercegovine.

Na osnovu člana 9.12.d Zakona o izmjenama i dopunama Izbornog zakona Bosne i Hercegovine («Službeni glasnik BiH», br. 24/06), glasanje se provodi tajno tako što svaki delegat bošnjačkog, odnosno hrvatskog kluba u Domu naroda Parlamenta Federacije BiH daje jedan glas za listu kandidata za izbor bošnjačkih, odnosno hrvatskih delegata u Dom naroda Parlamentarne skupštine Bosne i Hercegovine.

U skladu sa članom 14. Upustva o postupku provedbe posrednih izbora zakonodavnih organa vlasti u Bosni i Hercegovini izbor delegata u Dom naroda Parlamentarne skupštine Bosne i Hercegovine provode nadležna radna tijela Doma naroda Parlamenta Federacije BiH, tj. u ovom slučaju članovi Privremene komisije za izbor i imenovanja u sastavu: Mirjana Malić, predsjednica i članovi: Mustafa Kurtović, Ekrem Prošić, Janja Ivić, Ivan Brigić, Daliborka Milović i Segmedina Srna-Bajramović.

Predsjedavajuća je napomenula delegate da se glasanje vrši upisivanjem znaka „X“ u kvadratić pored naziva predlagача kandidacijske liste a ne za kandidate pojedinačno, jer će takvi listići biti nevažeći.

Potom je pozvala delegate da preuzmu glasačke listiće od Stručne službe Doma naroda, potpišu da su preuzeli listić i glasaju u skladu sa Izbornim zakonom Bosne i Hercegovine.

Predsjedavajuća je dala pauzu kako bi se izvršilo glasanje i kako bi se Privremena komisija za izbor i imenovanja izdvojila i prebrojala glasove.

Nakon obavljenog glasanja, predsjedavajuća Privremene komisije za izbor i imenovanja Mirjana Malić je, ispred Komisije, pročitala Zapisnik o provedenom postupku glasanja za Dom naroda Parlamentarne skupštine Bosne i Hercegovine i izjavila da je Komisija konstatovala da je iz Kluba delegata bošnjačkog naroda u Domu naroda glasanju pristupilo 17 delegata i iz Kluba delegata hrvatskog naroda u Domu naroda, glasanju je također pristupilo 17 delegata. Nevažecih glasačkih listića nije bilo.

Iz reda bošnjačkog naroda bilo je ukupno sedam kandidatskih listi i to:

1. KANDIDATSKA LISTA DELEGATA – ZUKIĆ AMIRA dobila je 3 glasa
2. KANDIDATSKA LISTA POLITIČKE STRANKE-
NARODNA STRANKA RADOM ZA BOLJITAK dobila je 0 glasova
3. KANDIDATSKA LISTA POLITIČKE PARTIJE –
SAVEZ ZA BOLJU BUDUĆNOST BIH –SBBIH dobila je 2 glasa
4. KANDIDATSKA LISTA DELEGATA
- ALIEFENDIĆ ALMEDINA dobila je 3 glasa
5. KANDIDATSKA LISTA POLITIČKE STRANKE – SDP
SOCIJALDEMOKRATSKA PARTIJA
BOSNE I HERCEGOVINE dobila je 3 glasa
6. KANDIDATSKA LISTA DELEGATA - SALKE SELMANA dobila je 3 glasa
7. KANDIDATSKA LISTA DELEGATA -VAJZOVIĆ HANKE dobila je 3 glasa

Iz reda hrvatskog naroda bilo je ukupno šest kandidatskih listi i to:

1. KANDIDATSKA LISTA DELEGATA –
TOMISLAVA MARTINOVIĆA dobila je 3 glasa
2. KANDIDATSKA LISTA POLITIČKE STRANKE-
NARODNA STRANKA RADOM ZA BOLJITAK dobila je 0 glasova
3. KANDIDATSKA LISTA POLITIČKE STRANKE –
HRVATSKA DEMOKRATSKA ZAJEDNICA BIH dobila je 4 glasa
4. KANDIDATSKA LISTA POLITIČKE STRANKE SDP-
SOCIJALDEMOKRATSKA PARTIJA
BOSNE I HERCEGOVINE dobila je 3 glasa
5. KANDIDATSKA LISTA POLITIČKE STRANKE –
HRVATSKA DEMOKRATSKA ZAJEDNICA 1990 dobila je 4 glasa
6. KANDIDATSKA LISTA POLITIČKE STRANKE –
HRVATSKA STRANKA PRAVA
BOSNE I HERCEGOVINE dobila je 3 glasa

Predsjednica Komisije obavijestila je delegate da će se kompletan izborni materijal sa rezultatima glasanja dostaviti odmah a najkasnije u roku od 24 sata Centralnoj izbornoj komisiji Bosne i Hercegovine na potvrđivanje i konačnu raspodjelu mandata u skladu sa članom 9.5. Izbornog zakona Bosne i Hercegovine i članom 15. Upustva o postupku provedbe posrednih izbora zakonodavnih organa vlasti u Bosni i Hercegovini.

O rezultatima izbora i izabranim delegatima u Dom naroda Parlamentarne skupštine Bosne i Hercegovine iz reda bošnjačkog naroda i reda hrvatskog naroda, Centralna izborna komisija Bosne i Hercegovine obavijestit će izabrane delegate, Dom naroda Parlamentarne skupštine Bosne i Hercegovine i Dom naroda Parlamenta Federacije BiH.

Nakon toga, predsjedavajuća je čestitala izabranim delegatima u Dom naroda Parlamentarne skupštine Bosne i Hercegovine i dala riječ predsjednicima klubova naroda u Domu naroda.

Amir Zukić je, ispred Kluba delegata bošnjačkog naroda, čestitao izabranim delegatima i pokrenuo inicijativu da se što hitnije sazove vanredna sjednica Doma naroda na kojoj bi se izabrala radna tijela Doma naroda i kako bi Dom naroda mogao pristupiti razmatranju i usvajanju velikog broja zakona koji su u parlamentarnoj proceduri.

Mira Ljubijankić je, ispred Kluba delegata srpskog naroda, čestitala izabranim delegatima i izrazila očekivanje da će se do sljedećih općih izbora izmijeniti Ustav Bosne i Hercegovine na način da se Srbima u Federaciji BiH i Bošnjacima i Hrvatima u Republici Srpskoj omogući učestvovanje u izborima za Dom naroda Parlamentarne skupštine Bosne i Hercegovine.

Radoje Vidović je, ispred Kluba delegata hrvatskog naroda, čestitao izabranim delegatima i zaželio im uspješan rad.

Sjednica je završena u 17.50.

* * *

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAJUĆA

Karolina Pavlović